

25 APR 1982

25/4/82

Penyokong Barisan gembira bila PM diumum menang

KEMENANGAN Datuk Seri Dr. Mahathir Mohamad di Parlimen Kubang Pasu disambut penuh gembira oleh penyokong Barisan Nasional ketika diumumkan pada jam kira-kira 3 pagi, di pusat pengundian Sekolah Menengah Sultan Abdul Halim, Jitra.

Kira-kira 3,000 penyokong BN yang membanjiri pusat pengiraan undi sejak jam 8 malam lagi, bertepuk sorak apabila Datuk Seri Dr. Mahathir diumumkan mendapat 24,524 undi, mengalahkan tokoh veteran PAS, Haji Yusof Rawa, dengan majoriti 15,761 atau 78.76 peratus.

Majoriti kemenangan ini menunjukkan pertambahan 7,516 undi dari pilihanraya tahun 1978.

Dua calon negeri, Haji Hanafi Ramli (Tunjang) dan Datuk Haji Osman Aroff (Jitra) juga mendapat kemenangan cemerlang mengalahkan calon-calon PAS.

Haji Hanafi, Ketua Pemuda UMNO Kedah, menisifatkan kemenangan cemerlang Perdana Menteri menunjukkan penyokong-penyokong PAS dan mereka yang "di atas pagar" menghormati kepimpinan Datuk Seri Dr. Mahathir Mohamad yang begitu bersungguh mempertingkatkan syiar Islam dan menubuhkan Kerajaan yang cekap, bersih dan beramanah.